

改亭詩集

歲丁亥二月吾友計子希深再來澤郡出其尊人甫草先生文集贈余余把愛不啻拱璧也蓋先生與家新城大司寇公爲忘形友公每稱述先生具不世才其著作作直可信今傳後而年逾五十遽賦玉樓識者咸追悼之余方恨未及見先生得先生集如見先生焉旣而循諷累日深服其經經緯史學有原本而辭之雄放不異萬斛湧泉其神韻悠揚體製緊嚴則又廬陵南豐合爲一人也近代歸太僕而後目中實罕其儔因嘆新城言不我欺而轉憾讀先生集之不蚤也今年夏與希深坐對山

亭詢及集中何獨無詩希深輒涔涔淚下久之乃
曰某家故貧力不能刊遺書而問之世曩者古文
一編商邱宋冢宰公撫我吳時所刻也其詩橐曾
爲中州胡觀察繕寫將付剞劂以罷官遂寢其事
十餘年來某耿耿在抱者唯此余急索其存稿閱
之分體中兼以編年凡先生生平遊踪暨所交友
蓋歷歷在焉昔杜少陵險歷岷峨阻臨湘夢讀破
萬卷詩稱當代史山陰陸放翁過終南陟巫峽讀
書尚友老而彌篤故其詩多而且傳以先生好遊
凡所至山川莫不吟咏又其所與酬倡皆一時名

公卿擅著述手宜詩與文醇而肆盡若此也余雖
不及見先生而先生不恍在我目前乎則余又釋
從前餘憾而竊喜不自禁也適希深以秋試往金
陵余因出貲屬其歸而鏤版庶後之讀改亭集者
洋洋大觀而家新城公聞之當亦粲然一笑用慰
人琴之感也夫爰信筆而爲之序時

康熙戊子七月古晉後學王廷揚拜手撰

夢亭詩集目錄

卷一

五言古

雞鳴詩六章

兗州旅次感懷

六月虞山王先生招遊南池登太白樓有
作奉呈

望夕聽同門魏山公彈琴感舊有作

夢巖四覽民

示兒子炳

贈程崑崙郡丞

和炳詩示姪某

梁園觀同人迎謁合肥龔先生

朝歌道中蚤行遇雨二首

送梁侍御曰緝蚤發鄴城

酬宋右之繆歌起二首

走筆寄汪茗文

題黃復仲畫冊二首

戊申二月十七日讌集汪蛟門見山樓下

同王築夫雷伯籲孫豹人郭飲霞宗定

九王仔園劉玉少程穆倩孫無言華龍
媒韓醉白查二瞻吳仁趾許師六許力
臣汪湛若汪左巖汪叔定分韵限陶詩
聞多素心人樂與數晨夕奇文共欣賞
疑義相與析余分得相字

清明後一日師六招遊園中卽席有作贈
力臣師六

想想園作

讀嚴丈子問膠城新詩有贈

廣陵五日讌集作

有序

季冬十一日曹司農先生招同施愚山叅政暨曾道扶司李項眉雪大令夜集齋

園

十四日齋園先生招同施愚山陳默公高阮懷項眉雪遊鶴洲

夜再集畫溪閣聽張濟甫度曲呈司農公江寧奉酬施愚山參政

聽黃于石話河南朱太守登嵩山絕頂

章邱旅中漢陽李子仁熟自歷下貽予書

有答

送胡濤公自潁歸徐州兼詢閻古古先生
暨萬年少孝廉令子

爲寧筆公題畫

汝陰別新安汪治五

壬子三月朔渡江行淮泗間口號十首

贈徐原一太史

贈許子王侍御

又贈許不棄

太保敬哉王先生招飲豐臺觀芍藥得詩

四章

京師送孫豹人還揚州

秋懷十一首

初冬院中晚步

鹿皮裘初成志喜自述

菊花影

初冬院中月下聞歌

月下有作

十月十七日夜對月

十八夜待月

十九夜見月

贈別侯止庵

作送止庵詩畢偶問岷瞻知李叔則明府
已歿因追悼韓聖秋兵部暨亡友雷伯
顓杜杜若東雲雛劉客生兼東孫豹人
王築夫李天生王山史

冬日蚤起

可嘆

老驥

黃綿襖

大裘軒

贈閩中魏惟度

奉贈古古先生

讀莊子六首

題光山闕使君

碧霞

畫歌

十一月初九夜對月

早起

奉別天雄書院後雙檜

通政張公席上分韻

贈灤州守孫柳下

遼西過李廣射石處二首

發遼西西行言懷

墜馬宣鎮城南

盤谷車行

漁陽道中遇雨

卷二

七言古

濟南名宦祠中肅拜先從祖大參公木主

感賦

過滄溟先生墓作寄嵇爾遐明府

登白雪樓有懷滄溟兼憶王謝宗徐梁吳

諸公

約突泉

濟上喜晤李杞瞻感述一首并贈王貽上

汪茗文宋牧仲

梁園讌集觀合肥公卽席賦詩

歌別彭定夫

別徐恭士長歌

別陳上舍送之白下

排悶

首春宴集王敬哉先生青箱堂卽事

歌贈彭中郎

古藤歌孫太原柞庭席上作

宴故少宰胡公谷園卽席歌和胤倩

賀宋聲求新婚

送子邁遊秦中歌

率贈永年傅庸菴

投贈吳明府

研瀆草堂歌爲費古心戶部作

宜山堂歌爲溧陽彭廣文作

贈別友人

別盧龍孤竹山堂後三松樹

又贈別文起堂前一松

羅郎行戲贈弘載

六月二十四日我吳相傳爲荷花生日漁
陽道中值此有感而述

卷三

五言律

渡大河

寶應城外

淮陰偶見

日暮同子曠望黃河

河水至放舟出閘志喜

送春

出都次日二首

良鄉道中遇寶應李素臣有贈四首

曉行

過雄縣

任邱道中廻望西山有感

呈宋座主

白楊

梨花

道傍見落花

梁園月夜懷門人吳靄徐鉞

追哭侯研德宋疇三

初夏從宋座主讌集陳孝廉園林四首

七月十四日潁州坐月

夢芝翁夜過

城頭

九月十三日月下偕劉凡輩作

次原韵奉酬徐文學二首

九日同人集公定齋中次韵

九月十三夜月下坐文昌閣傍寄張孟深
九月十八日夜雨有作示門人劉凡劉崑
劉志豈志岑

送子端至兗州省親

庚戌除夕

送張州倅二首

塗中清明日遣悶二首

慰繆天自

發都門將之盧龍二首

通州城外二首

乘車

偶作寄妾

將自盧龍至宣府曉起有作

七月朔臥病宣鎮城中二首

七夕二首

七月初八夜聽雨邊城有作寄內

宣府逢立秋

新秋同弘載子重陪王公夜話

不寐

彈琴峽

有小序

過鷄鳴山沿桑乾河畔馬上作二首

昌平城南作

北歸

冬夜月下光祿卿席上作四首

癸丑元日杜門旅館二首

讀邢州詩有懷集中張

樛王惻崔鳴鶯趙

培基

諸同年兼悼鉅鹿楊猶龍先生

別邢州國士書院後大槐

郭氏園亭沙隨同人讌集

八月十五夜廣平院中讌集主人口吟杜
詩夔州十五至十七四首予因每夕次
韵和之

十六夜玩月

十七夜待月

奉東申鳧盟兼寄觀仲隨叔二首

冬至前一日重發天雄至京師是夕宿魏

縣二首

魏縣夜行

曲周道中

發曲周縣

過邱縣境

夜過廣宗

威縣車中見月哭龔芝鹿先生四首

月下懷朱六

茂暉時聞在廣州

夜入南宮縣界擬寄鄭司直提學宋中郎

大令

冀州詠所見

蠡縣道中

安州道中

御城寺二首

過清苑有懷同門樊天木

過安肅城外擬寄梁明府

前詩方就紀瞻與梁明府並馬而至

夜入容城

又咏椒山先生

固安道中寄京師董三弟方南

近京

旅夜不寐成二首

雨雪遲虞升不至兼示電發

卷四

五言排律

入國學觀禮聞雅頌應大司成教三十韵
贈濟州太守李燮五

八月十四夜同梁侍御日緝於許西山家
對月八韵

贈嚴柱峯侍御兼呈灝亭先生

八月初十日爾成張先生署中對月十韵
送同年審侍御按鹺兩淮

汪恪菴大令招遊女郎山次壁間李中麓

太常韻

阻暑却寄張大參十六韻

贈周樂園觀察

贈佟與京二十四韻

劉公定招遊郊園看桂花十韻

贈子登二十韻

祝大參方公二十韻

雲起樓聯句

併序

贈同年杜肇餘學士三十韻

贈李湘北侍講二十韻

觀杞瞻射獵八韻

高陽縣過故相國孫公宅十六韻

容城哭孫徵君十四韻

曉發固安至京師呈督學王公

上梁大司徒公二十韻

贈龔伯通二十韻

再過棗強題官署壁擬寄吳大令

卷五

七言律

南還

夜泊青縣

贈陳其年

尤展成司李永平詩以贈之
舟阻汶上次柳公薩韻答贈

哭吳扶九先生

山塘同人夜集

將至都門有作寄侯研德陸麗京俞右吉
諸子

寄內

任邱旅壁見嚴方貽辛丑四月南歸醉題

一律次韻和之

濟上春雪堂作二首

毘陵薛憺庵久寓平原茲遇兗州因作小
詩寄平原諸友

暑夜集李燮五太寄署中兼贈其兩嗣君
元公和公暨館甥周靈囿

濟上喜陸生山宗從遊

宋中送丁飛濤祠部遊金陵兼寄周櫟園
觀察

贈侯仲衡

投贈呂減之北部

哭侯朝宗

奉呈張爾成先生次見贈韻

鄴城弔謝茂秦山人

將過蘇門山謁容城孫鍾元先生於夏峯

莊預爲投贈之作

秋興十二首

有序

哭王恥古都諫二首

忽憶

送隱巖禪師遊五臺

雨過見西隣園色因憶家園口號

夜集巖旣方舟中

廣陵旅次遇曹子仁悲喜交迫口占二首

追悼徐侍御僕陳啞子口號

并序

贈登封令葉慕廬同年

答吳虎文

立秋口有作與潁州諸同學

公定齋中看菊次子登韻二首

別慧湖感賦

有序

準提菴再贈恒印兼寄懷劉子淇病中

夜示劉凡暨劉昂諸兄弟

次倫諫原韻奉別

爲丁生賦催粧詩

答寄公賦考功

別潁州張孝廉

再步盧家池

贈盧尚方

雞鳴

卽席代贈

馬上倦甚欲臥恍惚見苔文贈予一絕句

知君風雨能相愛孤竹無忘田子春
忽驚醒遂失前二句

子爇戲索贈句擬少陵拘體一律

玉田道中

豐潤道中遇雨有作呈王公

灤州道中與弘載同車有作

將至盧龍次沙河驛言懷

七月望後宣府偶

過昌平州望天壽山

居庸關

懷來城登樓

雞鳴驛讀王公和詩奉呈

秋夜不寐戲爲放翁體

壬子除夕

上馮相公二首

答李昉菴二首次原韻

贈劉宣人編修

送杜子靜太史還里

卽席贈許錦文

閏七夕有作

壽菊廬詩四首

有序

月夜代蘄水姚九兄送友之揚州

代友答姚九兄次前韻

九月魏博次杜陵夔州九日韻二首

發衡水至深州三首

排悶

次吳廬學使贈古古丈二首

通政張公拜

御賜黃白魚聲鹿等物召

東

共食卽席限韻四

首

因侯使君至臨清寄柳公隆

雨中家居喜李山顏令子約山枉顧草堂

有作兼贈山顏次賀葉星期韻

卷六

七言絕句

馬上吟十首

有序

代述怨辭四首

豫讓橋

湯陰道中絕句四首

感舊四首贈史三兄

見西隣柳色因作憶家園口號再戲爲一絕

沈繹堂憲副招同諸公宴集卽席和陳胤倩十四首

戊申首春廣陵旅次潁州甯伊菴司法招同張玉甲大參泛舟平山堂宴集晚歸口占八首

聽隔牆搗箏聲忽憶二首

婁東王奉常招集某公園亭遇蘇崑生有感舊事卽席成二首

廣陵喜晤王奉常烟客先生口占二絕

送胡翹羽同年六首

哭宋迨之絕句十首呈座主宋中允公

同李武曾遊金陵雨花臺木末亭二首

汝陰劉將軍招飲慧湖十首

劉子登招飲四首

對蘭有感再成四首

立秋前一日子僑招飲池亭五首

七夕飲甯筆公劉子端家四首

送甯益賢筆公至湖湘四首

贈恒印和尚三首

庚戌冬夜排悶四首

和汪鈍翁歲暮雜咏十二首

盧龍客邸與楚友述往事因追悼亡友梅

惠連黃敬淪曹石霞王亦世得四截句

存一

偶題

卽席口號送侯明府歸秦中四首

遇陳藹公三首

改亭集卷一

吳江計 東甫草著

男

從孫璜全

姓嘉禾

重校

五言古

雞鳴詩六章

雞鳴亦何長其聲叶宮商
膈膈振汝翼喈喈殷我
牀人生耽宴息天地迷
行藏披衣起中夜仰視天
茫茫

雞鳴亦何悲其聲如變徵
膠膠復膠膠慷慨不可
止賞音獨有予起舞亦
何事舞罷天未晞淚落連
珠子

雞鳴何嗚咽其聲帶冰雪斯時雖早春餘寒未能
別感人啼不休意氣空騷屑倚枕聽沉吟我爲汝
擊節

雞鳴亦何亂其聲轉荼苦豈欲脫汝壻朝陽刷毛
羽鳳凰千仞翔一去不復顧啄粟汝何求哀鳴亦
何補

雞鳴旣不休羣鳥皆啾啾明發坐隱几攤書名窮
愁捫蝨王景畧牧豕平津侯蝨乎我與居豕乎我
與遊時命苟未來遲暮難爲謀

咄咄汝南雞汝今不得啼啼聲有遲速憎汝各有

宜驕人憎汝速愁人憎汝遲不如藏汝舌高樹長
幽棲

兗州旅次感懷

昔賢時未遇浪遊亦濩落重耳出亡久曹衛恣輕
薄蔡澤將入秦釜鬲遭奪掠主父困齊趙日暮歎
空橐穆之索櫝榔一飽無所託何當微風起魁豪
奮寂寞歟華耀天家恩榮頗揮霍鳴鐘召賓朋冠
劍分入幕越女與吳姬明粧映珠箔顧盼烟雲生
咳唾珠璣作意氣何足誇聊用洗蕭索丈夫但視
息神龍等尺蠖遲速會有期前途莫相度悠悠行

路心南風寄然諾仰面事貴人握手語同學他日
遇中原慎勿忘此約

六月虞山王先生招遊南池登太白樓有作
奉呈

有唐三百年詩家各林立其中最魁傑子美與太
白兩賢俱薄命遭逢同悵鬱麻韃走寒灰幾月官
禁掖樂府奉荒淫沉醉自韜匿泊乎困末路依人
給衣食何期千秋後聲光轉輝赫任城介中原自
古爲望邑兩公盛年時先後來作客白也主季真
意氣劇相得金魚爲換酒痛飲盡一石甫也遇許

薄小船泛溝渫旅况頗寒酸青蘊憶家室遊蹟至
今存題詩滿碑勒酒樓壓層城睥睨傍危壁遠眺
見湖山烟波蕩胸臆南池接河流夾岸垂楊碧茵
蓄吐清芬花葉燦如拭池樓兩相映兩賢屹相匹
悠哉懷古心沉吟爲太息伊予來涕上官牆欣繞
膝恩知難具陳逸興陶永日置酒池亭間朋好任
所適飛觴互酌勸諧笑恣往復我聞古河朔高會
必三伏更爲碧筒飲清凉却炎暎爲歡迨良朋醉
歸已及夕池邊浣花翁樓上竹溪逸風流未銷亾
魂魄猶可卽何以脫相贈琅玕雙綵筆我將繼遺

徽著作返麗則誰非右文時文章實華國持此報
淵源庶幾展萬一酒醒立中宵天漢當空出

望夕聽同門魏山公彈琴感舊有作

昔我友湯子琴心美無匹關雎尤擅長老手歎莫
及我時從之學累月忘寢食高山流水間徽音猶
脈脈吁嗟我友亾悵然徽六翮囊琴不復彈十年
空挂壁性頗嗜絃歌時時在胸臆識曲聽其真斯
人邈難卽丙申得雛姬產自湘江北少小解彈箏
青衣抱錦瑟更有廝養婦生長王謝宅能傳南九
宮明慧善自匿兩人同刺繡閉閣辨音律隱隱度

曲聲側聽且歷歷予時最怡悅聊用蠲愁疾嬌絲
與急管競奏滿庭室旣已愛新聲古調坐相失迴
顧舊懸琴慘淡無顏色一從喪賢子淚灑西河赤
所欣久棄置雅鄭俱不識良朋召宴會每若落魂
魄愧忘公瑾顧誰掩田文泣今我來師家春風散
餘憾魏子同門生亦有絲竹癖後堂隔絳紗吟弄
私自得季夏三五夜明月牆東出迷迭蕤幽香清
輝照几席同好三四人列坐娛今夕誰爲據梧者
慷慨燕南客逸響入雲霄密意貫金石促柱再三
彈星稀見昴畢四座皆極歡我獨向隅泣舊事感

中腸似聽山陽笛况有臺門痛沉綿疇能釋太上
貴忘情我何爲情役

夢嚴四覽民

思君亦已久昨宵始入夢相見無一言相持只長
慟哽噎難出聲旅僕頗驚動醒來淚覆面拭涕憶
沉痛壬寅歲將盡我喪賢長子爾來百里外衝寒
渡江水三日留草堂哀慰極深至示我詩四章晶
晶淚盈紙老母爲增悲病妻哀欲死好友結良姻
厚誼當如此昨冬我出門君已久燕市瀕發到君
家呼見君令嗣綰髻甫勝衣翩翩好容止問方讀

何書答云讀泰誓應對敏且恭阿爺念不置余笑

謂更生

阿黥
小字

爾舅良可喜異日汝成婚葭玉兩相

倚到都敬慰君君卽有憂色云昨見家書兒病已
多日我今滯京華便欲求祿食豈真愛一官勢亦
有所迫念兒重煎懷去住難決擇予時繹君言沉
吟爲酸鼻三月中旬初柳條颺新碧予去遊山東
君住仍京國相去漸遙遙相思日悵悵何期惡耗
至君嗣忽已沒永訣父子恩得官復何益君懷卽
予懷煩冤炙心骨仰視天青青浮雲踰奄忽榮華
彼何人降凶獨此極積想昭精誠一夢豈易得我

之賢長子爾子舊相識重泉倘相見提携我子職
哀哀各思親幽明路終隔痛哉爲人父蚤歲不努
力但知輕去家憔悴久爲客可憐所嬌兒未獲長
繞膝兒病父豈知父行兒雨泣薄德動天怒一舉
碎白璧還思餘慶理小善勉自積浦珠可卽旋微
笑三生石

示兄子炳

時歸自山左

汝家胥江西我寓胥江東相望隔帶水相思日過
從渡口立斯須入暮多悲風明月雖在天灼灼見
江中爾時送汝歸慨然意無窮汝攜一卷詩良辰

自從容我方懷百結紆鬱將誰通儒冠旣已誤壯
志俱成空藉汝寧我懷努力振衰宗乘時須大畧
觀幾貴沉雄服食尤所重養身若喬松我與汝圍
碁長嘯懷八公

贈程崑崙郡丞

大雅我所懷斯人誰與伍我友顧茂倫每言程少
府詩文規漢唐經術本祖父結交徧九州觀書歷
三古佐郡山南徐風流滿北固山東王阮亭稱道
亦如顧瀟澗勞我心停雲結情慄昨從廣陵還帶
甲繞瓜步榜人橫索錢擊汰日已暮空攜阮亭書

未獲謁當戶正月梅花開褰裳再趨晤冀倒中郎
屣握手慰積慕我師隔江臯時以黃岡夫子臥病揚州趨侍湯藥急
假一葦渡歸帆倘從容春風倚芳杜

和炳詩示姪某

時年九歲

猛虎生三日氣欲吞全牛宛馬甫墮地志欲凌九州
自古稱聖童周睟已不侔聽啼識英物撫頂知公侯
咄咄兄子某吾愛同琳球梨棗不解視萬卷
日旁搜未迫毀齒年自命高千秋屈指古將相口
若懸河流能譚王佐畧頗識興亾由耽書類孝標
蚤慧同楊脩天若老其才居然第一儔自我三年

來胸懷結窮愁竹林在吳會謂炳姪許共文酒遊不
期又得汝我思良悠悠二月芳艸綠與汝登層樓
曠觀元化理漭蕩誠難求汝其葆光華速成非所
謀

梁園觀同人迎謁合肥龔先生

白日爛平原長風動高柳衣冠忽雲屯相逢大道
口馬行並駸駸伏謁若恐後何事爭朝宗伊人世
希有飛鳥望茂林勞魚樂深藪德心如未引羣趨
詎能受英盼感新知情話娛朋舊單寒多志士一
顧思矯首精誠浹倫教神界敞戶牖緬昔吾友言

景從良非偶
胡子彥遠云先生廿年來不特風雅
爲羣賢景從而至性亦能使志士心

朝歌道中蚤行遇雨二首

曉起望太行層雲積如霧北風扇微寒淅淅響秋
雨主人起留賓牽袂請少住我懷嗟孔棘去去勿
復顧出門衣裳濡僕夫色如忤雲中叫鴻雁平原
走狐兔靄靄天四垂望遠心滋懼古戍見道旁稍
覺愁顏駐辛苦結中腸人事多錯互疇能念勞人
征衣已非素

清霜猶未降朱柿已離離愛彼顏色好使我心神

怡短垣繞嘉林老叟起荷鋤瞻天望雨色似畏雲
氣疎我家北牕前橘柚亦相如計時當漸熟我母
立踟躕念子在遠遊悵然發長嘯

送梁侍御曰緝蚤發鄴城

時八月十五日

落月猶在天星輶已風駕送遠立河梁秋風動桑
柘荷公下士心齒牙肯相借仰望林慮山峨峨冠
中夏俯瞰漳河流滔滔復東瀉慷慨高深間誰是
憐才者賞音貴知希斯人誠大雅

酬宋右之繆歌起二首

和風扇寒沍還周愛同春草木爾何知含暉亦欣

欣獨有失職士坎壈多悲辛
襤褐困京華蒙袂避
故人升沉既殊勢寧復悲乖分
何意華簪友握手
情彌親宿好鬯言外真意欲相成
再枉奇文贈屢
見杯酒清宵晨劇言笑箴規荷深情
感遇我雖悲
對君心自平室中列佳樹粲然枝
條榮爲問冰雪
時於何託其根念此忽展眉揮杯發高吟

明發感知我凄然不能安一吟黃雀詩淚下如汎
瀾寡諧世多忤營已詎非難拳拳愧高誼委懷許
爲殫臨觴心已醉何必杯行寬傾耳飽德音况復
羅盤餐得酣就君臥中夜起長歎凌晨思載陽出

門望雲端朝瞰煦
敝裘何處藏愁顏
依賢重惜別
所慮盡君歡

走筆寄汪茗文

陽春已三月
雨雪忽蔽天
倦客厭京華
重寒結幽燕
獨坐空齋中
蕭條對殘編
念我生平交
浮湛殊天淵
爲郎富才藻
彫腴何翩翩
清言世所重
品題隨風宣
我今若窮魚
塊獨想清泉
歎息汨泥塗
徒步慚自前
無慇寄此曲
此曲悲難傳

題黃復仲畫冊二首

吳興諸名山
越皆賜姓計
披圖羨麗農
慨然念先

世安得買山資及爾同高憩

天豈憐故侯種瓜俾蚤熟風雨長荷鋤辛苦媚幽
獨頗畏青門喧移根此山隩

長松望無際中有魯公橋誅茅就橋住雲氣常蕭
蕭古人不我遐因君爲大招

戊申二月十七日讌集汪蛟門見山樓下同

王築夫雷伯籲孫豹人郭飲霞宗定九王
仔園劉玉少程穆倩孫無言華龍媒韓醉
白查二瞻吳仁趾許師六許力臣汪湛若
汪左巖汪叔定分韻限陶詩聞多素心人

樂與數晨夕奇文共欣賞疑義相與析余
分得相字

良辰及今夕高會君子堂和風扇几席梅花坐芬
芳嘉賓旣翕集美酒各盈觴譚言展微妙意氣皆
慨慷文雅萃吳會奇傑來雍涼共此蕭灑人隱見
無低昂坐久意彌洽燦然燈燭光客問夜何如主
稱夜未央告歸獨予遽惜別情難忘徒步悵踽踽
仰視天茫茫明月夾丹霞玉盤若金相念昔公謫
詩喟然不成章

清明後一日師六招遊園中卽席有作贈力

臣師六

莫春風日佳旅思多煩憂殷勤荷良友招我出郭
遊名園俯少城綠楊臨長流飛花綴奇石杯竿含
清幽談諧互往復高言結綢繆不知白日暮簫鼓
看歸舟緬惟繁華地千古惟揚州况當載陽時烟
月堪淹留何以客子懷蕭瑟若悲秋交情見貴賤
倏忽同雲浮今日斗酒會明日溝水頭三復白頭
吟淚下不可收君家好兄弟令德難爲酬努力挽
頽波斯人更何說

想想園作

明發懷我親禮貴思所嗜優乎若見之庶以慰我
志廣陵孫廷尉精純共爾位遂初歸東山園林力
難致遂令邱壑資悵然託遐思况當歷官時秦蜀
曾出使名山與大川星輅多覩記心胸益曠曠結
撰俱專寄想園聊命名可以見深意令子稱肯堂
念此恐失墜夙夜慎登臨遊屐不輕試想想昭精
誠園名滿天地臺池水木清禽魚游泳恣於心旣
易成於物亦無忌我昔客廣陵愛其大都會陶朱
倚頓家金碧燦塗墍易主俄頃間多財適爲累何
如方寸間經營無不備緬彼瞻父心無忝清白吏

贈詩和同人永言誌景企

讀嚴丈子問膠城新詩有贈

先生嚶城詩蒼涼而古直結志在良朋慷慨貫金

石皚皚冰雪文羈旅聊自得爲憶宿草吟

先生舊著宿艸

餘音海內歎舊德至性多纏綿亦足感鬼域今復詠

新篇風義宛如昔惓惓懷友心垂老不忍逸猗歟

膠城中人物冠南國我生雖恨晚曾入侯黃室最

喜共五侯談諧浹晨夕幾道尤直諒責善見膠漆

遺書猶在篋寶之若拱璧研德稍和輒忠告頗續

密風流與雲散一別不可卽誰意魯靈光記原看

獨立觀其序翁詩字字有典則廣陵炎蒸時展讀
尚未畢悲風從空來披襟愛蕭瑟驚惶知先生再
灑西河泣彼穹雖酷烈神理難遽釋不見卜子夏
年壽百三十子孫與門人繁衍無終極六經得傳
家十九卜氏力以此祝先生冀一開顏色

廣陵五日讌集作

有序

寧都魏叔子禧長安王築夫巖三原孫豹人
枝蔚泰州鄧孝威漢儀欽汪舟次楫皆天下
駿雄魁傑之士僑客廣陵舟車之衝人物輻
奏諸君獨擁書鍵戶不妄徵逐非深相知卽

當世巨公不往一見禹航顥亭嚴先生自其
祖父總持聲教歷先生父子四世矣聲位通
顯益折節下賢士故他貴人所不能致者皆
來集辛亥五月四日會飲繡鶴堂先生寓也
諸君旣至先生故人程叟穆倩興病來孫無
言往淮陰故不果來浦潛夫以論易就先生
章子淇上孫子嘉客西泠舊耆舊同先生來
遊東先生年家子朱雲卿董方南從先生遊
者飲酒至醉各稱詩紀事予退而賦章如賓
主之數紀人物交遊本末俾後之觀者有所

考焉

禹航嚴夫子瑰瑋天人姿正色立大廷昌言坐匡
時奕世繼通顯折節彌謙卑樂善發中懷論文若
等夷能傾窮士心朝宗不復疑薄遊來廣陵天中
屆令期置酒召賢豪極懽結敦匱坐多少微星稜
稜白鬚眉各有最真氣感慨長深思嗟乎今之人
營已日孜孜官高漸畏客畏客窺其私如公淡蕩
人峻廣無不宜高山深水間吐哺以爲師

右贈禹
航先生

當世天下士多在布衣中魏子來深山意氣沉以

雄兵法觥左氏著論才無窮本是管葛儔自擬龐
德公文不遺屠販謁不先王公灼灼雙眸光顧盼
羣倫空文章雖寄志矩矱求其工良規時往復羈
旅相過從勉旃抑龍性從容俟微風吾聞贛州田
嘉穀畝百鍾躬耕梅川邊川水日淙淙

右贈魏叔子

關中王先生行年踰六十窮老不自安著書轉汲
汲羣言共求媚秉道獨卓立體要旣堅凝格律且
嫺習煌煌碑版文嶄然自成集昔者與雷子士俊並
稱文章伯直言糾予過令予常感泣今予來廣陵
雷子不可卽先生形影孤况值飢荒迫賴有固窮

節一飯必審擇譬之朱鳳來棲啄皆典則何幸遇
斯人握手三歎息

右贈王築夫

蕭蕭焦穫公肅肅含秋氣家世來西秦風流溯河
渭和輒非所甘吐詞必剛毅慨堂三四楹責善來
同志咸陽有李生

念慈

宣城有施氏

閏章

論交頗不輕

於公盡兄事愛其胸懷間寂寞多高寄予亦因李
君得公不我棄深談出處義灑然脫予繫麋鹿臥
長林潛魚樂荷芰天地本寥廓人生自拘忌安得
從公遊嘯歌嘗自恣

右贈孫豹人

鄧子富文藻健筆鸞龍鱗足跡半寓內奇才漸能

馴北至汝與洛南踰越與閩登臨極冥搜山川見
精神作者既自命刪定今詩人正雅竭揚厲僞體
芟荆榛耳目一以滌雲物瞻清新頗憶吳興遊正
氣能嶙峋開口罵鼠子衡鑒澄羣倫至今逸老堂
風流識天真

右贈鄧孝威

吾夢匡廬山十年不得往蒼蒼五老峰茫茫在天
上我愛汪子詩十年結心賞爽氣從天來過江實
無兩誦詩思其人不見心養養既見將何如翻令
心慨慷以子才非常風騷藉弘獎俯首帖括中意
氣難侔儻何異雲中龍繫之在塵網何時凌雲翔

縱子在潏蕩

右贈汪舟次

凡今讀書人宜令略識字曾聞韓公言凜凜心如
悸雕刻博古文筆畫窮所自金石久不磨因之析
疑義學子功所資豈得訾小技穆倩於斯道超然
有獨至何況虞山翁投贈爲心醉黃石齋楊維節兩忠
魂周旋結深契三復冬青詩凄然出予涕右贈程穆倩
伊予年十五學爲場屋文每讀章子作名言劇續
紛成誦苦不熟夏楚煩先人憶此三十年今乃識
君身感舊歎倏忽相看倍酸辛更詠贈友詩大雅
稱扶輪今人貴客氣格調期先民詆毀宋元詩以

爲不足珍誰識元遺山佳句美無倫

右贈章洪上

孫登蘇門山愀然發長嘯牆東王君公心跡表雙
妙吾友舫棲尚薜蘿愛窈窕高視復簡言觀機若
埋照交君亦已久愛君能守約叶歲寒天風吹叫
號滿羣竅峨峨千丈松聳立西山嶠慚予若茅靡
因風作啼笑右贈孫嘉客

維昔草昧初兵力窮西南軍咨得浦君畫地能深
談秘計人不聞功成已不貪酬功宰百里清譽滿
湘潭一朝拂衣去彭澤貧能甘窮年著周易理象
同深探賞音得君宗盡出篋中函景純遇向秀深

源過劉惔知已苟不遐何必藏林嵐

右贈浦潛夫

渺渺昆明池風流在天末人物倘英奇萬里自相接
朱君本新安大儒之枝葉祖父開南天盤江建
旌節遂爲滇南人傑起振門閥文筆何翩翩流光
自曄曄廣陵盛人文第一稱汪楫子能與定交其
才必相埒相見頗恨遲惜別情逾熱

右贈朱雲卿

少陵有詩云他鄉惟表弟其弟本庸人旅中尚相
倚何況我董三才華著斐亶弱冠與計偕文譽且
鵲起失母家又貧辛苦樹風義人稱翟方進經術
當自致我聞董生祠舊在江都市努力崇先模遺

風子可繼勗哉征邁心夙夜予與爾

右贈董方南

予本熱中人十年遭棄置譬之太史公一朝割其
勢豈不愛婦人事已無可覲漢令貴黃金凡罪可
贖貰公寧甘一割苦爲貧所制生平好豪俠結交
徧當世緩急羞告人誰復知公意此時有晏嬰解
驂贖國士不待公呼求公割席可已願爲晏執鞭
公意乃如此誰能聽此詩禹航嚴夫子

右自叙

季冬十一日曹司農先生招同施愚山參政

暨曾道扶司李項眉雪大令夜集齋園

不圖嚴寒時晴和若陽春連宵復明月騁望娛心

神駕言適永水展覲迨良辰夫子許升堂滌滌名
園新珍木方含葩奇石相嶙峋中厨出豐膳促坐
情彌親宛陵來高賢東城召嘉賓共此談讌樂豁
達意俱申夜靜月逾皎天高淡無塵仰視昂畢間
星文氣何振將離且佇立後期重諄諄服義兼醉
德感懷難具陳

十四日嗇園先生招同施愚山陳默公高阮
懷項眉雪遊鶴洲

良會難再得鼓枻欣從遊風吹白日匿南湖湧寒
流登眺且極歡嘉樹環中洲列坐老梅下清言交

獻酬卒讀雲中詩，颯然起繁憂。何艸歎遺黎，七哀感荒邱。風人惻隱懷，觸目皆窮愁。何況茲邊氓，安集煩深謀。行厨羅圓方，進酒清且稠。坐客還秉燭，永夜期淹留。塊獨吟公詩，我淚不可收。

夜再集畫溪閣聽張濟甫度曲呈司農公

暮烟凝湖堤，漁火映脩竹。倚徙亭臺間，遊興亦已足。移樽小閣中，避寒聊就燠。主客再飛觴，痛飲盡一斛。酒酣真氣生，樂往悲來觸。座中老何戡，頭白工度曲。急絃唱高言，萬事悲轉轂。茂陵金盃空，銅臺芳艸綠。勞生竟何爲，天地同局促。歌罷客俱醒。

霜花滿林木

江寧奉酬施愚山參政

去年隆冬日遇公鴛湖濱論文一握手傾倒若有神爲言兩年前山東遇李君亦當冰雪時談讌至夜分每語必及子嗟嗟真殷勤李君忼直士意氣非徒云以此頗知子思得交其人予時最顛顛事多遭迫感公文章伯領袖斯人倫盼睐豈虛設磊落欲自振從公放鶴洲高會來嘉賓老梅古樹下小閣攬榆新白頭老何戡度曲多酸辛司農旣掩袂四坐皆沾巾相從且極樂爲樂忽踈踈公復

念我寒解衣語諄諄子爲負米出何以慰老親固
窮行自勗錫類言何仁別後不一月公詩再相存
勉我飽經術立言期大醇展卷數百字道氣厚且
尊予方急衣食侘傺走風塵朝馳瀨水畔莫宿笠
澤潯著書帆檣間艸艸非雅馴累公品題重負公
期許真俛仰愈艱難努力將奚因何幸歲方匝復
遇公白門拜公逆旅中低頭愧難陳爲別非不久
我道仍無聞依賢竟浮慕望古徒逡巡山高高無
極水深深無垠願公終吹噓寒谷回其春爲畫謀
食資杜門養經綸安知十年後我無席上珍大哉

烈士懷可賤不可貧

聽黃千石話河南朱太守登嵩山絕頂

每笑杜工部兩賦望嶽詩岱華俱未登恍惚望見
之稍待與會當慙怯何遲遲快哉河南公勝事天
下知治行旣第一著作多經奇登眺展逸興聳身
千仞期旣遊玉女盆復攬崑崙高碑攀躋凌絕頂偏
仄窮巖巖直上四十里縱目曠無涯雲霞生足下
風籟爭相吹二客不能從上合坡僊辭我友嶧山
君道力頗未衰如何亦告誥十里僅相隨公獨攜
令子奮袂無所疑苟非曠世懷茲事難言之我今

愧入雒亦有嵩華思躑躅欲前進快公真我師詠
斯作紀事且爲杜老吟

章邱旅中漢陽李子仁熟自歷下貽予書有
荅

君爲貴公子惻惻能憐才得書感君意珍重瓊與
瑰森森雲夢澤奇氣相往來摘文起雄風奕葉承
蓬萊人地如君稀顧盼凌雲臺猶然歎濩落抱璞
何當開幾年不握手相思亦悠哉我今遊山東伊
人期朔洄遲我青玉案酌我黃金罍高唱續南皮
極眺倚岵嶭嗟予將母心慙飢等條枚援手望知

已知已情難裁永言思報德不敢惜涓埃

送胡濤公自穎歸徐州兼詢闔古古先生暨
萬年少孝廉令子

與君相逢時溽暑氣如蒸把酒西湖傍几席每青
蠅君今別我歸盜襲皆堅冰歲月去甚疾客程感
友明白頭風塵中辛苦嘗撫膺畫擬荆與關詩追
武與陵篆刻尤古意頗盡金石能多才不救困意
氣真難憑遊子驚歲晏且復還家門努力事生育
祝君繁兒孫徐州老先輩我愛古先生更聞萬孝
廉有子才崢嶸君歸爲我言念之不勝情淮水到

潁水相望長盈盈

爲甯筆公題畫

山深吐層雲水清見白石偕我同心人抗言共晨
夕謾謾聽松風松身一千尺誰爲種松人念我浮

邱伯

汝陰別新安汪治五

闔闔有真士斯語良不誣我來潁尾久感子抱區
區藥物每攜餉然諾共勤劬覽彼宋清傳意氣當
無殊將別發長喟我懷難爲輸漂母激淮陰風義
千古俱聞君多令子夙夜敦詩書茲邦利如錐在

昔工時趨春華與秋實
曷哉願相扶

壬子三月朔渡江行淮泗間口號十首

京口櫻桃花可憐
白如雪杏花夾雜開
春陰自相結

江南渡江北十里初擊節
江北望江南浮雲心斷絕

柳條無改色不似江南春
東風莫搖曳愁殺憶鄉人

可憐甘泉山高不滿百尺
山前當壚女自許好顏色

春水受春風倍覺春光好自從渡江後野曠春水少

淮西地苦瘠何得似淮東鳥巢桑樹上人臥馬槽中

底事愛風塵年年悲遠道平原日如灼何處生芳艸

父母生我時抱我避風霜生年近半百年年大道旁

天長四郊好頗動江南思桃花深淺紅簇簇垂清池

姜子

西漢宸英也

桃花篇真成絕妙辭此曲聲最悲賞

音惟我知

贈徐原一太史

昌明誕俊又京國羅宏才鬱鬱天下士高會黃金
臺瑤琨待剖琢箇籀充條枚惟皇重得士詆誅
天絃開簡在慎主司帝實知公才朗若白日
照準若朱絲裁又若諸星辰大小含斗魁含文出
駢竿脫屬窺蓬萊進賢答國恩豐功多所該丈夫
盛志願此願豈易諧公其益保茲有客依壚培
四十方強仕際時能立身射策登甲第容與鳳池

濱衣凝紫殿香足躡黃閣塵 天笑時眄睇風度
彌清新 一從持衡後龍門望嶙峋同朝並令季樹
人盈成均 聖世多璠璵半作崑山珍峻廣各有
宜陶淑裨斯人丈夫盛志願此願豈易伸輻湊在
君家至樂誰與倫載吟將仲詩五色天門新

時彥和將

試於
禮部

疇昔二紀前載筆從君子敦盤集文讌邠莒隨執
耳每荷陽春歌賡和及下里師門展依依從
瀨水

謂潁陽宋中允公

瞬息三四年公去天尺咫下視泥

中人蟻蠅莫能理念舊不遐遺感敢從此始我聞

德施厚天其介福祉景祚何有涯躋祝以延埃

贈許于王侍御

侍御爲提學副使許公諱

伊予年十一搖筆爲文章健如初生犢跳蕩不自
量小戰偶再北便覺心徬徨吾師主文柄赫然來
浙江崇禎己卯春拔我童子塲踰年再校士賞譽
條非常呼予曰神駿歎予才無雙自此大有聲交
遊起輝光風塵三十年勞悴復頽唐遭逢似時序
一暄還一涼到今如隆冬夔屈甘潛藏惟是操翰
墨意氣尚激昂南邁踰禹穴東登瞰扶桑北游暨
宣雲西顧窺咸陽姓氏走萬國空文在四方同人

紛愛忌總非心所詳舊恩銘夙夜千載永難忘音
容雖可憶夢寐終茫茫何意茲入都得登我公堂
公也我師子家學肩青箱人望久台輔起家自循
良執法三殿中丰采冠神羊昌言屢颺拜正色肅
紀綱指顧膺異數霖雨沛巖廊東忝門下士欣感
結中腸願言効悃悞矢報昭穹蒼豈如李商隱遙
窺東閣牆獻詩紀疇昔吳詠慨以慷

又贈許不棄

不棄爲我友有介子吾師王史
提學冢孫子王御史兄子也

爾爲名父子又作名臣孫爾生雖早孤叔父振家
門孝友及兄子成立見深恩讀書京華中努力事

晨昏當爲天下士志欲開心源我聞隆中人依叔
家中原廣才且養德令名萬古尊我愛謝車騎勲
業開戎軒乃叔謝安石教誨多苦言解其紫羅囊
意氣彌自敦師古在兩公願子心長存愧我實迂
戇昧昧爲此論永念爾祖德感激矢勿諼無以申
報効贈言胸獨捫

太保敬哉王先生招飲豐臺觀芍藥得詩四
章

負米客京華釜須主人周防從所主束縛同衆
賓旬日不得出踟曲含苦辛夫子真知予招招宴

芳晨得請便據鞍飄飄踰城闔朝暾照單衫和風
扇餘春昨如檻中猿今如淵中鱗暫此脫拘忌浩
蕩見天真

騎出右安門皇居展郊甸曠若離樊籠恍然心神
變平疇滿綠蔬雜樹鳴紫燕草色長菰蒲荷葉開
池面更喜良苗新參差水田徧何異歸故林鋤耕
事游衍長堤行移時豐臺望中見碧陰送馬蹄下
馬就清讌

名花八面開中央一亭子身坐萬花中爲歡亦已
侈深紅與淺紅雪白與深紫堆若開層樓燦如散

霞綺碧葉挺青莖奇葩半含蕊極望何能窮廣輪
亦難紀平生愛看花名園幾倚徙無如今日游此
樂不可止况復肴核佳易州酒更美晝永憺忘歸
城門迫日晷

夫子善論交峻廣兩得宜人人望龍門各各慰所
思杯酒接真氣高談無僞辭茲集諸君子我皆能
識之錢君善三易毛公愛賦詩陳朱天下士學殖
皆吾師嚴陸飽經術稽古擅析疑介弟司馬君文
采雄當時懿親有陳倅溫雅同追隨強半少微星
來赴尚書期出處共懷抱語默互箴規嘉賓意彌

歡賢主禮無虧醉德坐永日不畏言歸遲今日良
宴會何如習家池

京師送孫豹人還揚州

頭白京華游蕭騷不得意不能爲翁謀相見每增
媿一聞賦歸與晨起心如醉以翁工文章投人難
爲媚去去且自寬不暇計鈍利秦中帝王州廣陵
商賈地翁家二者間樂土誰可寄豹人秦中人但
久客廣陵得稍贏餘不爲衣食累閉門讀我書俯仰頗暢遂
乘車彼自高戴笠我亦恣人情畏逢迎我道足引
避永日行修塗歸矣慎復出念我遊子身莫慰貧

交志

秋懷十一首

在順德廣平兩郡使院中作

大火老益驕金柔且懾伏詎知進退機時序暗相
逐柔者日以堅驕者日以蹙微涼生靜夜爽氣動
林木志士每夙興感此愜幽獨衛青方爲奴平津
尚畜牧遲暮何足悲時會不可卜

獨坐明月下仰觀高樹巔枝葉何蘂密碧陰結濃
烟星稀不成列落落依高天是時始開秋蟋蟀聲
凄然何爲蟪蛄鳴終夜先喧闐十里亂人聽尼父
亦自憐何況羈旅人念之不成眠

改亭集卷一

五

秋雷殷地來引領望甘雨欲得瀟瀟聲滌此炎蒸
苦雲翔雨不下惆悵失所慕起視河漢間清淺若
可渡妄想媿平生多爲虛聲悞

壯哉鉅鹿郡南有豫讓橋昔年報恩處拔劒呼天
號殺身難塞責國士真無聊至今蓬山傍雲氣長
蕭條何況清秋時慘淡橫林臯憶予數載前驅車
此道遙懷古意悵惻騁目心徙勞茲來閉院中束
縛同枯茅仰羨雲間鴈歸飛一何高

蒼鷹秋始擊勁翮摩晴空暮飛過祁連晨遊發雲
中睥睨燕與雀拏攫不足供何爲遂苦飢臂韝同

樊籠得肉每不飽側目雙眸紅耿耿夜不寐騷騷
聽邊風何時從羽獵激昂還自雄誓盡艸中兔扈
君林光宮

秋夜旣難曙偃臥亦可恥四更起秉燭危坐攬三
史孤陋慙見聞博涉昧原始二者均未安於何得
條理念昔讀書人用心不如此大畧貴獨觀深思
絕傍倚所以著作林千載頌文起我今只沿流何
以繼芳軌

人言秋士悲我言秋士樂四座且勿訝聽我話大
畧天地當盛夏萬物皆汜濩莽莽見百昌滔滔肆

磅礪一朝秋氣至斂華漸索寞蠅蚋且倦飛果實
熟已落熟客旣相違靜者得棲泊夕陰淡長林涼
雲生遠壑滿摘蘭芷芳心跡交漠漠可樂只此時
蓴鱸負前諾

使院一牆外四望多白楊蒼蒼數百株鬱鬱相低
昂商飈忽怒起枝葉互擊傷內外同一籟多寡均
摧戕森然公府門謾謾邱墳傍種植雖各殊枯苑
仍相當大哉齊物論千古依蒙莊

明月愛秋夕露白光逾好滌滌萬里碧瀟灑軼塵
表華燈映長廊樹影交馳道玉繩懸簷楹河鼓明

晴顥感此臥獨遲徬徨攪懷抱忽起亡友悲平生

寡同調侯宋往遊僊

謂研德疇三

柴陸甘枯槁

謂虎臣麗京

追悼久益深悲風搖宿草

秋水漲滹沱湯湯合漳河洹淇挾百泉千里同洪
波中宵渡我馬月黑岸峩峨濺濺流水聲浮舟徑
盤渦失足咫尺間性命供鼃鼃慘怛遊子情飢驅
可奈何

九秋歷三輔趙魏多埃塵側聞武安郡藕花徧湖
濬十里開爛熳芬芳炙城闔結想冀一見庶以澄
心神豈料方戒嚴含意不得伸清霜敗殘荷長堤

始脂輪瞬息寓我目後時極酸辛忍見叢菊花臨
風復鮮新

初冬院中晚步

時在天雄

夕陽薄嘉林輕寒著高樹雲氣愛澄清俯仰愜所
寓晚飯散餘閒庭空見天趣久客情雖疎塊獨無
感遇燈火起步欄從公事毫素悵彼同舍生曳裾
偶相聚誰爲梁伯鸞五噫獨成賦

鹿皮裘初成志喜自述

我愛鹿皮翁肥遁稱高士因裘遂爲號鄙願與相
似茲遊滯魏博寒風吹客子主人雖授衣清曉怯

坐起偶聞麋鹿皮西來此城市價廉差易辦斑斑
復可喜急購製爲裘衽褐承其裏著之得微溫希
古且安止念予縱棄物抗直難從仕行年况半百
河清笑人俟昔夢箕穎間兩年客穎尾予於戊子
年卽夢遊
箕山穎水至前徵旣可信小隱亦可擬誓將披此
裘負米歸故里左顧越江碧右攬吳山紫著書授
生徒灌園樹蘭芷傲舞老親前此樂誰能比

菊花影

紙牕燈火明菊花照清影窗前每相見翛然心氣
靜此物從何生能令影亦好寒風吹漸急在室寧

獨保棄捐旦暮間埋根託衰草艸木亦有性雅俗
各自寶隨時卷芬芳何必恨枯槁

初冬院中月下聞歌

古檜高入雲寒月光如晝徘徊廣庭中南望苦搔
首去家已兩年內顧多慙疚音書久不來倚閭恐
老瘦百端攻寸心排悶非醇酎忽聞搗箏聲度曲
院牆右清揚轉柔曼激楚含儻懣頓挫有餘悲促
柱間遲驟聞之愁益深淚落沾衣袖摻手憶閨房
此技各能奏每當清宵長競歌爲母壽老眼發濃
笑歡喜及童幼淒涼不復彈自我出門後念此不

成眠霜華滿簷霑

月下作

靜夜微風生吹落柏樹子空庭聞此聲清絕誰可
比况當霜月明四望天如水獨坐三更餘默悟無
生指客氣既澄融世味何足累我聞列禦寇進食
忘人豕三年爲妻爨瓊瓊似老婢學成御風行冷
然亦可喜師乎我誰從南歸事角里

約菴施先生
家禾中角里

十月十七日夜對月

夜夜好明月照人望遠心思心無終極月落還沉
沉柝聲動四野燈火傍空衾衣短寒氣長帷淺風

力深薄冰凝硯墨飛葉聞遙林羣動旣已息獨坐
愁難任馮煖不彈鋏雍門不鼓琴索寞但伏枕何
以怡塵襟所願夢還家緩步東臯陰呼童護枯桑
開春捋其椹椹可佐藥物碧可映江潯懷哉灌園
樂蹉跎慚至今

十八夜待月

遲月久不至累我長佇立譬之招我友酒煖不我
卽迴思數宵來好景豈易得且復隱几坐開卷寫
胸臆所懼迷本原輾轉增知識燒燭跋已見捫爐
火且息動帷風騷騷顧影神默默拋書再出房寒

雲滿天黑

十九夜見月

三五及四五蟾兔滿還缺童時誦此詩感慨復嗚咽於今死灰心萬慮都不屑隱不慕巢許達豈慕稷契委蛇任天運頑鈍從冷熱缺月見東隅彼自知時節晦朏與盈虧寧可論巧拙旋聞同舍生勦聲殷牆闌一枕天地寬漏盡人事輟倒影月窺人
人起吹燭滅

贈別侯止庵

名紹岐三原人舊灤州守

思君方慨然忽爾見君至懽喜涌心胸談笑失倫

次信宿別我行揮手若相棄君今從河朔西歸歷
雍冀嵩少與太華倚天且拔地長鬚衝大風短鞭
策曉騎顧盼多英雄結束表奇志吾聞三秦人自
古佐神器煌煌史冊中姓氏難悉記君有公輔才
何事苦爲吏延佇躡雲霄爲我振懔懔

作送止庵詩畢偶問岷瞻知李叔則明府已
歿因追悼韓聖秋兵部暨亡友雷伯鰲杜
杜若東雲雛劉客生兼柬孫豹人王築夫
李天生王山史

諸公皆秦中人負海內盛名

每憶先朝末空文盛才俊復社聚同人敦盤互輝

映東南盡閩粵西北走秦晉二張

西銘太史南郭儀部

與周

楊

仲馭郎中維斗孝廉

宗盟推水鏡揭誰咸陽來東劉最先

應固菴

卽聖秋

繼有聲河濱望頗峻

叔則稱河濱先生

論文

奇三吳品論頗矜慎嗚呼潢池禍斯文供灰燼車

書且難通友朋詎相問洎今三十年風流續餘韻

雷王擅古文孫李發高詠格律求老成僞體能撥

正杜子敬愛客京華喜投贈予遊諸公間不肯辭

不佞意氣自有真聲聞貴相稱秦聲雖雄涼吳飲

亦雅靚延州與縞帶槐坂集車乘生平懷友心慷

慨自本性詎意數年來我黨俱蹭蹬升沉久無殊

存歿遽靡定歿者已返真遺文託誰訂存者歎知
稀羈縻復貧病歷歷數昔遊對酒淚同迸交期只
一方零落若朝薨何況六合寬伊人數難罄悠悠
感我思獨往結鞅勒

冬日早起

鑿冰木罌中取水作沸湯鑪火尚細微手冷指木
強未能令火熾心力空徬徨呼童睡方熟鼻息聲
盈牀飢鳥集庭樹鳴噪如蜩蟬朝暾雖欲出慘淡
無光芒結帶且靜坐開書玩蒙莊馬蹄及至樂無
鬼溯庚桑浩浩天地心明發不敢康

可歎

可歎此布被與我大有緣從我幾萬里蓋我二十
年北臨關塞外南盡江海壖西登輟轅道東上泰
山巔步步相依行未嘗稍棄捐在家情或疎在客
彌相憐在家日無多在客日綿綿疇昔授生徒浹
歲留潁川主人知愛客錦衾授我眠粲粲覆四體
可憐得新鮮念爾是故物忍不攜汝旋偪側驢背
上復與偕入燕秋宵苦不曙寒夜人凄然有時風
雨聲蕭蕭落枕前鼠子出窺燈几案垂飢涎我腸
若轂轉我心若膏煎斯時淚苦多灑向汝濺濺與

爾恩義篤永誓情不遷詎料歲月久心力爾漸憊
敗絮落四角輪囷生糾纏強復加補綴着手無不
穿隆冬氣凜冽縮足如聯拳爾既不我溫我亦不
爾牽我有鹿皮裘兼有舊青氍可以代爾職坐臥
同便便夙興聽雞鳴漫漫望青天

老驥

牆東臥老驥夜夜發哀嘶我聞淚縱橫知爾心所
悲不怨伏櫪久慚負伯樂知昔上太行山負棘苦
驅馳尾湛附復潰漉汗如流漸道傍逢伯樂痛我
不遇時解衣以羈我攀車而哭之遂令長聲價方

曠光離離豈知知我人與世先相辭失主走風塵
但乞免鞭笞棧豆不足戀所恨常苦飢鹽車千里
遙誰能識權奇未報伯樂恩沒齒以爲期

黃綿襖

齊人愛冬日呼爲黃綿襖

宋周益公語

曝背得奇溫茅

簷共相保吁嗟負暄詩初始杜陵老融和得元心
樂天詩更好暑短尤可惜晨起向杲杲坐看嚴霜
消如露浥白草冷暖皆戴天何必逢春早

大裘軒

亦周益公語

三冬就南軒舊名爲大裘喜見朝暾來一室暖氣

浮安得此萬間大慰寒士愁伊予愛風興曉色觀
清秋十月漸畏寒五更披蒙頭平明裹足坐候暄
來東陬始能把卷出庭廡一徐游飛鳥集高樹大
小各啾啾寧爲求稻粱早起爭相謀感激客子懷
歲宴嗟淹留

贈園中魏惟度

去歲正月初積雪滿吳市君寓胥江湄嘯歌著詩
史我自阿咸家

姪炳住濠上草堂
距惟度寓甚近

過從餘一里家

貧無肩輿塗泥沒屐齒相見展高言平心求真
是當今多人物自許皆巨子湛深貴通經森嚴辨
僞

體誰能棄筌蹄直與悟元始心期共努力金石以

永矢分手各游燕君向畿南止詩選補石倉

曹能始先

生十二代詩選惟度續以今代詩

賀君得知已篋中富篇章牀頭

羅酒醴品題極丹黃推許徧金紫死灰若小人愧

荷存姓氏溝壑與臺閣胡乃同一視再辱書殷勤

索詩繼王李

惟度旣選梓吳廬先生詩集繼索配瞻及予作

惕息久不寧

雅意於焉紀仲冬夜半時寒風撼窗紙燈昏爐火

微鑿冰取硯水磨墨發豪吟激昂不知恥勞勞逆

旅人意氣空爾爾出戶瞻黃星彈鋏攬衣起

奉贈古古先生

時年七十三

沛縣有異人才名冠中夏文章本周秦詩篇逼陶
謝然諾重邱山經濟雜王霸論交五十年卿相昔
同舍推心置人腹豁達善嫚罵人人不怒便可
得聲價始予通謁時懔懔頗驚怕旣得常追隨竊
幸許親炙獨絃張清晨濁酒對深夜每觀耳熱後
張目一叱咤快論開愚蒙如渴飲寒蔗高秋八九
月自宋來命駕河北風早涼蕭條見桑柘行李止
古寺謝客愛幽暇自定紀年詩縱橫淚哀瀉爲敘
五岳游岱恒與嵩華更敘游九邊足跡徧塞下河
套古朔方肥沃土宜稼只今沙島島不復辨河汊

天山積雪高六月不得化長嘯受降城老手拓弓
弭孤懷轉豪激捉筆不肯罷我觀先生才范增之
流亞頭白尚數奇時命豈能假當今腐鼠多爭向
鵝雛嚇巖壑可藏舟周防慎其罅夔州老處女夫
婿須擇嫁更須齒牙間意氣勿輕借玉璫來渭濱
遲爾輪車近斯時望彭彭矍鑠還能跨以此祝先
生大笑倒玉竿

讀莊子六首

觸氏與蠻氏建國蝸兩角爭地相殺傷流血丹滿
壑吁嗟戴晉人諧語非漫作游心無窮際田魏本

寥廓怨闔從何生人心造鋒鏑能冥勝負情蟲天
同一覺

左臂可爲彈右臂可爲雞尻輪及神馬變化安天
倪鼃蟻自有子芒忽自有妻陰陽鼓百昌爲光亦
爲泥悲乎白膠膠有弟而兄啼知白只守辱誓爲
天下谿關尹師老聃博太無與齊

子輿與子桑相視爲好友子桑貧且病淋雨十日
久裹飯往食之子輿意良厚到門聞鼓琴歌哭並
在口何爲曠達人呼天呼父母沈痛無可言但怨
命不偶人間大宗師哀樂兩不受鼠肝與蟲臂終

始無先後何爲恨屢空其辭亦孔醜不死得長貧
毒苦踰天壽曾祿三釜餘顏田六十畝粗足供饗
飧便可息奔走繼履詠商頌多財於何有

恨桓養生篇大言老聃死秦失往弔之斯事最可
喜適來夫子行適去夫子止處順安天時哀樂不
足齒疲茶養形人導引自爲美吹吶工吐納經申
冥聽視揭揭求延年已昧晝夜理戀此血肉軀真
性反爲累偉哉無怛化決疣絕办靡

鳥獸固有羣樹木固有立星辰固有列天地固有
職佞人何翦翦兄弟分儒墨擊鼓求亡子操藥脩

父疾苦振爍火光不知太陽出雖繙十二經於心
竟何得大意在忘言蕩蕩以默默非言非默間深
根見寧極

齧缺問王倪四問四不知缺乃大喜躍浩然而去
之老聃新沐髮熱然進仲尼游心於物初槁木無
旁枝至道本無問應亦非言辭相視一笑中喪我
復何疑

題光山闕使君

碧霞

畫歌

公家光山間山水多大雅浮弋照長淮高深復瀟
灑及乎宰寧都煙巒助融冶冰心結鳴琴公非作

吏者四境頗澄清訟庭少楚夏挂頰觀諸山爽氣
滿林野隨手繪畫圖邱壑生腕下蒸蒸岫雲出淙
淙澗水瀉解衣愛莊周心賞酒盈竿茲來苦倦游
淒風嘶匹馬治行棄龔黃文章廢董賈慘淡羈旅
中忘情學龔啞獨有潑墨情造次詎肯捨淋漓寓
喜愕性靈自陶寫五嶽與三條渲染不盈把斯須
尺幅間萬象失真假絕妙空自怡長歎知音寡誰
能美使君蘆中人甫也

十一月初九夜對月

半月不見月今夜復初弦寒氣日加厲寒光仍依

然獨立老檜傍醉眼觀高天旅人苦無告感歎空
自憐京師如故鄉夜夜夢早旋遠行待吉日吉日
車仍懸淹留將何極歲月同流泉易水舊蕭蕭今
見河水堅何爲此求憇征夫不得前

時聞主人將
之易州度歲

早起

平明倚樹立熱淚當寒風仰睇天東隅黑雲壓空
濛將恐遂雨雪霏霏集天中我衰多怖畏心疾常
忡忡頗望晨光溫神氣多和融短裘不蔽骭亦可
支隆冬已矣落魄人豈必非英雄進退一失據智
不如蟄蟲

奉別天雄書院後雙檜

庭中雙檜樹氣概踞天雄
薛皮似古柏偃蓋同喬
松轟轟欲騰上勢若無寒空
腰圍須數人廣大未
可窮考其植根年乃在明成弘
自昔雨露深雄長
各西東我來七旬餘對之必敬恭
恐有神靈棲不
爾或怨恫三映明月圓寒夜倚
微躬俯視影槎枒
仰視煙青葱哀吟至月落側耳
歸飛鴻黯然客淚
下眸子當酸風心期可感物豈
不知我衷明日別
汝去眷戀將無同贈爾以此詩
情好誓有終但願
再相見車馬如游龍

通政張公席上分韻

時拜召東共食

御賜海魚鮮鹿

昔者李于鱗自幼好奇服長安交五子詩酒共徵
逐一朝挾王徐炙鮮賦擊鹿長歌相唱酬自許薏
流俗豪宕一飽餘酸氣已盈目白雲冷曹郎白雪
棲林谷何如我夫子高吟動清玉翔步登金閨卿
月昇當軸承恩自大庖尚方賜酒肉海魚間白黃
角獸分五六均霑表君賜不獨飽臣腹召食及
門生偕其友與族靜夜羅盤食明燈照華屋佐以
平原醢不惜人一斛同此割炙資不越水與陸何
爲自天來便覺味尤淑東也久風塵歲宴復跼曲

師門廿載餘愛我如顧復感激發狂言竊念千微
祿何時若杜甫左掖出休沐曲江對錦瑟醉覆掌
杯醪

贈灤州守孫柳下

憶昔乙未歲挾策來都中結交必俊顧依歸必宗
工東州尤多才中有兩孫公一爲今奉常

作庭修先生

髯動春風一爲賢君侯氣體真魁雄歡讌無幾時
分手各匆匆一別二十年再遇公開封公時治河
南努力佐禹功高秋八九月黃河水淙淙汴城新
築城如帶繞崇墉信陵祠畔菊花開亦蒙茸公方

釀桑落招我話孤蹤明燈張靜夜逸響泛絲桐坐
有諸少年美好若芙蓉詢問知同鄉吳語相喁喁
詎料六年後又遇公盧龍以公非常人聖世宜遭
逢謂當早奏最京華躍青驄如何久刺罷北海守
孔融每聞奉常語太息拊我胸賤子益無賴落魄
浮雲空乞食學元亮賃舂師梁鴻宦隱雖相殊失
意將無同懷舊贈此章惻惻慚難通佇公躋清要
入聽長樂鐘爾時再從公一醉慈仁松

遼西過李廣射石處二首

漢之飛將軍失官居南山彎弓夜射石矢沒噴阮

間猛虎爲尊氣小吏訶當關男兒當失意隱忍包羞顏屈伸如神龍邈焉不可攀

念此數奇人清淚中夜灑封侯亦何榮李蔡材中下腐史傷心同深文借陶寫至今藍田關石立風湍瀉何爲弔陳迹復在北平野造感自有真托物休論假突兀深草間浩歎弓欲把

發遼西西行言懷

邊山青歷歷塞水清粼粼驅車渡灤河河流僅濡輪院中久拘束快哉此城闌川原一寥廓天地開心神昔日重守邊此覩多風塵鋒鏑屢流血蕭條

無居人今當全盛日禾黍俱懷新文教漸修復風
氣將還醇大哉苞桑謀豈不在經綸我生雖薄落
幸爲大平民荷鋤治田園服食娛老親觀書竹林
內嘯咏見天真此懷真得遂誓不恨隱淪

墜馬宣鎮城南

六月二十八日

何來西域人衝突我乘馬倉卒不及持失足墜曠
野悶絕久乃蘇傷重腰以下臥起須人扶坐立難
自假四十九年來此苦嘗亦寡呻吟木榻上抱書
強陶寫性命託風塵予豈好遊者負米慰衰親十
年客中夏茲復來邊城相依在廣廈此心苟無慙

力疾且瀟灑況我愛杜陵墜馬詩自多賓朋爭枉
問清酒溢三雅旣醉不復知微軀若可捨諸侯老
賓客予亦稱甫也

盤谷車行

車行盤山麓輪石相格鬪身搖骨欲開我神常默
守徒守亦何益揮霍無不有以茲悟本根動靜不
須剖

漁陽道中遇雨

山雲不待旋大雨欻然至蒼茫萬斛傾曾無二陵
避衣裳盡沾濡拭面若覆涕行路自古難達人無

改亭集卷一

三

鈍利悲哉鮑家詩瀉水注平地此身東復西浩蕩
隨所置

改亭集卷一終